

ACTA DA SESIÓN EXTRAORDINARIA DO COMITÉ ÉTICA DA DEPUTACIÓN DE OURENSE CELEBRADA O DÍA VINTECINCO DE NOVEMBRO DE DOUS MIL QUINCE

DEPUTACIÓN PROVINCIAL DE OURENSE	
REGISTRO XERAL	
6 NOV 2015	
N.º ENTRADA 34660	N.º SAIDA

Sendo as 16.30 horas do día 25 de novembro de 2015, reúnense na sala de xuntas da Deputación de Ourense os membros do Comité de Ética da Deputación de Ourense, a saber D. MIGUEL ÁNGEL GONZÁLEZ TRIGÁS, D. ANTONIO GONZÁLEZ FERNÁNDEZ e D. ENRIQUE JOSÉ VARELA ÁLVAREZ como secretario accidental, comparecendo xa iniciada a sesión D. JESÚS BLANCO GIRÓ.

Dase inicio á sesión extraordinaria do Comité de Ética da Deputación de Ourense, convocada en data de 10 de novembro de 2015.


En relación ao punto un da orde do día, dase lectura e aprobación, por asentemento, da acta da sesión anterior, e do anexo aportado por D. Enrique José Varela Álvarez, que deberá formar parte da mesma.

En canto ao punto dous da orde do día, e en relación á resposta do Sr. Presidente DEPOU á solicitude do Comité de Ética, faise a lectura do escrito aportado polo Presidente da Deputación (que se adxunta á acta), e procédese a realizar un amplo debate, que se recolle a continuación:

1. O debate ten a súa orixe na admisión a trámite por parte deste Comité da petición de información formulada polo Grupo do PSdeG-PSOE na DEPOU, e que para este Comité ten carácter de denuncia, verbo dos feitos mencionados.
2. Tendo respondido dentro do prazo, analízase a resposta na presente reunión. Nela queda constancia do feito de que a solicitude da resposta tería que ser áxil e convintemente razoada, de acordo ao artigo 9 do Código Ético; o propio Comité reclama expresamente "a maior claridade nas súas respostas".
3. Leído e analizado o escrito aportado polo Sr. Presidente da Deputación, o Comité de Ética non considera satisfactorias esas respostas que adoptan un contido xurídico e político, ao que o Comité é alleo, posto que non no lle



corresponde aplicar sancións, senón calificar conductas. En todo caso, os membros do Comité non poden ser alleos ao alcance social e mediático producido polo feitos obxecto do debate, e que perxudican gravemente a imaxe do Sr. Presidente e da institución provincial, o que non ten nada que ver coa presunción de inocencia que atinxe ao denunciado, como a calquer cidadán.

- 
- 
- 
4. Neste senso, o Comité de Ética reclamaba unha resposta clara e contundente, que posiblemente sería axeitado que se dera nun ámbito político e non neste Comité. A resposta fai que o Comité non poda pronunciarse xa que, defendéndose, non admite pero tampouco nega a realidade dos feitos.
 5. En relación cos denunciante, este escrito presentado non se formula como unha denuncia formal, aínda que este Comité dalle ese tratamento. O Comité considera que o seu papel é dar curso das denuncias sobre comportamentos éticos durante toda a lexislatura. Porén o Comité xa tiña previsto elaborar un informe anual sobre o seu funcionamento e liñas de mellora, que sería entregado a tódolos representantes políticos e sindicais da Deputación Provincial.
 6. O Comité de Ética quere facer constar como súas as consideracións que D. Enrique J. Varela Álvarez, expresou na xuntaza anterior, que aparecen no anexo á acta aprobada nesta reunión. Neste senso, e en relación ao punto 2 deste anexo ("Propuestas al Comité de Ética y conclusiones sobre el INFORME"), o Comité de Ética asume como propia a proposta número 3 de "ELABORAR, EN EL MARCO DEL INFORME ANUAL DEL COMITÉ, UNA PROPUESTA DE RELEGITIMACIÓN DEL CÓDIGO ÉTICO Y DEL COMITÉ DE ÉTICA, COMO BASE DE LA POLÍTICA DE TRANSPARENCIA DE LA DEPUTACIÓN DE OURENSE".
 7. En relación a esta última consideración, o Comité de Ética reunido en Ourense o día 25 de novembro de 2015, por unanimidade, expón a súa convicción da inoperancia do Comité de Ética, verbo do procedemento que estamos a debater. En consecuencia os catro membros asistentes presentan a súa renuncia ou dimisión deste Comité, solicitando que se de conta desta decisión dun xeito simultáneo á propia Deputación de Ourense, ao denunciante e denunciado, así como ás respectivas institucións que os


propuxeron (Universidade de Vigo, Colexio de Avogados de Ourense, Transparencia Internacional, e Colexio de Secretarios e Interventores da Administración Local de Ourense).

8. Para rematar, os membros do Comité de Ética, unha vez que se de traslado as persoas e organismos mencionados no apartado anterior, instan a que se fagan públicas as súas consideracións e os antecedentes (denuncia e resposta).
9. Dada a dimisión presentada polos membros do Comité de Ética, estes resolven redactar e aprobar o acta nesta mesma sesión.

En Ourense a 25 de novembro de 2015, asinado por



D. MIGUEL ÁNGEL GONZÁLEZ
TRIGÁS



D. ANTONIO GONZÁLEZ
FERNÁNDEZ

D. ENRIQUE JOSÉ VARELA
ÁLVAREZ

D. JESÚS BLANCO GIRÓ

